



UPA 2023/150

30/5-2023

Jens-Frederik Nielsen

Tusagassiortut kalaallisut oqaluttunik amigaateqarneq qanoq iliuuseqarfingisinnaanerlutigu Oqallissiatut siunnersuut.

(Inatsisartunut ilaasortaq Nivi Olsen, Demokraatit)

Qujanaq Demokraatit Inatsisartunut ilaasortaatitaannut Nivi Olsenimut oqallissiatut siunnersuummut pitsasumut pissusissamisoortumullu.

Siullermik Naalakkersuisut isornartorsioqqaassavakka. Ilanngussaq una ippasaq allappara. Piviusorli ajoraluartumik imaappoq, Naalakkersuisuniit akissummut isummersinnaannginnama. Tassami Naalakkersuisut suli akissuteqanngillat. Tamanna ajorluinnarpooq. Ajoraluartumillu taassuma Naalakkersuisut ingerlatsinerat takuteqqiinnarpaaajaasiit. Taamaattunik iliuuseqartarnerminni Naalakkersuisut oqaatigaat, uagut Inatsisartuni naleqanngilluinnartugut. Soqtaanngitsugut. Pingartinneqassanngitsugut.

Taamaattumik Naalakkersuisut Siulittaasuat kajumissaarusuppara Naalakkersuisut tamarmiusut sukannersumik naviissagai. Uagut Inatsisartuniittugut ataaqqineqartariaqarpugut pitsasumillu iliuuseqarfingeqartariaqarluta, suliagut suliarisinnaaqquullugit. Neriuppunga, Naalakkersuisut Siulittaasuat nukissaqarluni takutissagaa erseqqissarlugulu, akuerineqarsinnaanngitsoq Inatsisartut taamatut iliuuseqarfinginerat.

Taamatut oqareerlunga, oqallissiassatut pingaarutilimmuit saassaanga, Demokraatit inatsisartunut ilaasortaatitaata Nivi Olsen-ip uani saqqummiussaanut.

Tunngavilersuutai tamaasa isumaqtigaakka, aaqqissutissatullu piffissap sivikitsup iluani- aamma piffissap ungasinnerusup iluani siunnersuutai, uani eqqaasai isumaqtigalugit.

Oqaaseqarnissannut piffissarititaasoq atorusuppara uparuartuinermut, tassa maannakkut Naalakkersuisuusut matoqqanerujussuarmikkut ilanngutassiortut politikkerillu akornanni suleqatigiinneq sequmimmassuk. Takujuarpalput, tusaajuarlullu atuartuarlugulu, Naalakkersuisuni ilaasortat tusagassiutinut oqaaseqarumanatillu oqaaseqarnissannut qunusarnerat.

Naalakkersuisuni ilaasortaq oqaaseqatuaruni, allakkatiguukkajuppoq, taamaaliornikkut tusagassiortoq malitseqartussanik isornartorsiillutiluunniit apeqquteqarnissaannut periarfissaarullugit. Taamaattoqartariaqanngilaq. Naalakkersuisutut isummiussimasat aalajangiusimanissaat sapiissuseqarfingisariaqarpooq. Nassuiardeqartussaapput innuttaasunullu illersorlugit. Ajoraluartumik maannakkorpiaq taamaattoqanngilaq.



Paatsoorniaqinasinga; paasisinnaavara, Naalakkersuisunut ilaasortat sabinngisamik toqqorternerat. Uanga aamma politikkip ilatsiinnartup sorusussuseqanngivissortullu illersorusukkunnanginnakku, nunatsinni ineriartornermut periarfissanut ajoqutaasoq. Tamannaliuna, Naalakkersuisunut ilaasortaanissinni pisussaaffissi ilaat. Eqqaamallugu, kialluunniit pinngitsaalillus Naalakkersuisunut ilaasortanngortinngimmasi. Suliassaq artorussiuk, tunuaannariaavusi.

Taamatut Naalakkersuisuni ilaasortat tusagassioruntut isumaqartillugit, paasisinnaalluarpara, tusagassiorut ilinniarsimasut allanik suliaqarusunnerussappata isornartorsiuismik tusagassiinissaminningarnik. Isumaqarpunga, tamanna oqallinnermi ilanngutissallugu pingaartuuusoq.

Akuersaarpara, ajunngilluinnartoq, oqaaseqaatissaqannginneq. Akuersaarpara, ajunngilluinnartoq, ilaannikkut tusagassiorumut akissuteqarnissamut piffissakilliortoqartarmat. Aammalu akuersaarpara, ilaannikkut allaganngorlugu akissuteqarnissaq tulluarnerusarmat. Ajornartorsiut aanna, tamanna aatsaat immikkut ittumik pisoqartillugu aatsaat taamaaliortoqartassasoq. Maannakkut Naalakkersuisuusuni ajoraluartumik tamanna pissusissamisuuginnalersimavoq.

Eqqaamassavarput, IA ammasuunerunissamik neriorsuuterpassui, naalakkersuisooqatigiinni partiitut pisortatut ingilluartiterami. Eqqortori ajoraluartumik unaavoq, maannakkut Naalakkersuisuusut eqqaamaneqaatissarimmassuk Kalaallit Nunaata oqaluttuarisaanerani matoqqanerpaatut ersarissuliunnginnerpaatullu. Tamanna tamatsinnut uggorartutut isigaara minnerunngitsumillu tamat oqartussaaqataanerannut.

Taamaakkaluartoq, nunatsinni inuusuttunut tamanut oqarusuppunga, tusagassiorneq pissanganartutut soqutiginartutullu isigiuannarsimagakku allanngorarsinnaasoq periarfissarpassualillu. Suliaqarfik, nutaanik pisoqarfiujuartoq, aammalu ullut tamarmik assigiinngitsut assigiinngitsunilu unammilligassallit.

Taamaattumik kajumissaarutiginiarpara, inuusuttut amerlanerit kalaallisut ilitsoqqussaralugu kalaallisut oqaasillit tusagassiorutut ilinniarnissartik eqqarsaatigissagaat.

Tamat oqartussaanerata pisariaqartippaasi. Nunatta piaqartippaasi.

Tassalu Demokraatit oqallinnermut isummersuutaat.